

Nukissiorfinni Innaallagissamut, imermut kiassarermullu assigiimmik akeqartitsinerup atuutseqqilersinnaanerata kingunerisinnaasai aammalu malitsigisaasussanut sunniutaasussat missoqqissaarnerat nalilersorneqarnerallu pillugit nalunaarusiamik UKA2017-imi saqqummiusseqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartuni ilaasortaq Jens Immanuelson, Siumut)

Akissuteqaat

(Inuusutissarsiornermut, Suliffeqarnermut, Niuernermit Nukissiuuteqarnermullu Naalackersuisoq)

Aappassaaneerpeqarnera

Sanaartornermut Ataatsimiititaliamit isumaliutissiissummut Naalackersuisut sinnerlugit qujavunga, siunnersuutillu akuersissutiginnissaanut ataatsimiititaliap akerliusoqarani inassuteqaataanut qutsaviginnillunga.

Innaallagissamut, imermut kiassarermullu akinik ersoqatigiinnermik naapertuilluarnermillu tungaveqartunik atuutsitsisoqalissasoq Naalackersuisut naalackersuisooqatigiinnissamik isumaqatigiissummini anguniagaraat. Taamaaliormikkut ilaqutariinnut tamanut atugassarisanik naligiinnerusunik Naalackersuisut pilersitsiniarput.

Nukissiornermik immikkoortumut pilersaarummik nutaamik maannakkut suliaqarnerminnut atatillugu Nukissiorfinni assigiimmik akeqartitsinerup eqquteqqinnissaata kingunerisassaanik nassuiaammik Naalackersuisut saqqummiussaqaarniarput.

Taamatut oqaaseqarlutik siunnersuutip akuersissutiginnissaanik Naalackersuisut inassuteqarput.